

中南民族学院



民族研究所资料

五十五元二角八分



漢 太史 院 令 司馬遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 族 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

蕭相國世家第二十三

蕭相國曹相國留侯絳侯
五宗三王六篇可合為一篇

蕭相國何者沛豐人也蕭國春秋緯蕭何感以文無害為沛主吏掾蕭國案漢書音義曰文無害有文

公平吏一曰無害者如言無比陳留問語也蕭國裴注已列數家今更引二說應劭云雖為吏而不

刻害韋昭云為有文理無傷害也漢書云何為主吏主吏功曹也又云何為沛掾是何為功曹掾高祖

為布衣時何數以吏事護高祖蕭國說文云高祖為亭長常左右之高祖以吏繇咸陽吏皆送奉錢三何

獨以五蕭國李奇曰或三百或五百也蕭國奉音扶用反謂資俸之如秦御史監郡者與從事常辨之蕭國

張晏曰何與共事脩辨明何素有方略也蘇林曰辟何與從事也何乃給泗水卒史蕭國徐廣曰沛縣有

水郡蕭國案文頤曰何為泗水郡卒史蕭國如事第一蕭國謂課秦御史欲入言徵何何固請得毋行及高

祖起為沛公何常為丞督事原隱謂高祖起沛令何為丞常監督庶事也沛公至咸陽諸將皆爭走金帛財物之府分之起

奏奏者趨向之也何獨先入收秦丞相御史律令圖書藏之沛公為漢王以何為丞相項王與諸侯屠燒咸陽而

去漢王所以具知天下阨塞戶口多少疆弱之處民所疾苦者以何具得秦圖書也何進言韓信漢王以

信為大將軍語在淮陰侯事中漢王引兵東定三秦何以丞相留收巴蜀填撫諭告使給軍食漢二年漢

王與諸侯擊楚何守關中待太子治櫟陽為法令約束立宗廟社稷宮室縣邑輒奏上可許以從事即不

及奏上輒以便宜施行上來以聞應劭曰上來關中事計戶口轉漕給軍劉氏音張漢王數

失軍遁去何常與關中卒輒補缺上以此專屬任何關中事漢二年漢王與項羽相距京索之間上數使

使勞苦丞相鮑生謂丞相曰王暴衣露蓋數使使勞苦君者有疑君心也為君計莫若遣君子孫昆弟能

勝兵者悉詣軍所上必益信君於是其計漢王大說漢五年既殺項羽定天下論功行封羣臣爭功

歲餘功不決高祖以蕭何功最盛封為鄧侯文穎曰音贊瓚曰今南陽鄧縣也孫檢曰有二縣音字多亂其屬沛郡者音嵯屬南陽者音讚按茂陵書蕭何國在

南陽宜呼讚今多呼嵯嵯字作鄧今皆作鄧所由亂也南陽郡名也太康地理志云魏武帝建安中分南陽立南鄉郡晉武帝改曰順陽郡是也所食邑多功臣

皆曰臣等身被堅執銳多者百餘戰少者數十合攻城略地大小各有差今蕭何未嘗有汗馬之勞徒持

文墨議論不戰顧反居臣等上何也高帝曰諸君知獵乎曰知之知獵狗乎曰知之高帝曰夫獵追殺獸

免者狗也而發蹤指示獸處者人也今諸君徒能得走獸耳功狗也至如蕭何發蹤指示功人也且諸君

獨以身隨我多者兩三人今蕭何舉宗數十人皆隨我功不可忘也羣臣皆莫敢言列侯畢已受封及奏

位次皆曰平陽侯曹參身被七十創攻城略地功最多宜第一上已撓功臣多封蕭何也應劭曰撓屈也索隱音女教反

至位次未有以復難之然心欲何第一關內侯鄂君進曰國圖功臣表鄂千秋封安平侯羣臣議皆誤夫曹參雖有野戰

略地之功此特一時之事夫上與楚相距五歲常失軍亡衆逃身遁者數矣然蕭何常從關中遣軍補其

處非上所詔令召而數萬衆會上之乏絕者數矣夫漢與楚相守滎陽數年軍無見糧蕭何轉漕關中給

食不乏陛下雖數亡山東蕭何常全關中以待陛下此萬世之功也今雖亡曹參等百數何缺於漢漢得

之不必待以全奈何欲以一旦之功而加萬世之功哉蕭何第一曹參次之高祖曰善於是乃令蕭何賜

帶劍履上殿入朝不趨上曰吾聞進賢受上賞蕭何功雖高得鄂君乃益明於是因鄂君故所食關內侯

邑封爲安平侯國圖徐廣曰以謁者從定諸侯有功秩舉蕭何功故因侯二千戶封九年卒至是日悉封玄孫但坐與淮南王安通棄市國除國圖括地志云澤州安平縣本漢安平縣

何父子兄弟十餘人皆有食邑乃益封何二千戶以帝嘗繇咸陽時何送我獨贏奉錢二也國圖謂人皆三何獨

五所以爲贏二也音盈漢十一年陳豨反高祖自將至邯鄲未罷淮陰侯謀反關中呂后用蕭何計誅淮陰語在淮

陰事中上已聞淮陰侯誅使使拜丞相何爲相國益封五千戶令卒五百人一都尉爲相國衛諸君皆賀

乾隆四年校刊 史記卷五十三蕭相國世家第二十三

召平獨弔召平者故秦東陵侯秦破爲布衣貧種瓜於長安城東瓜美故世俗謂之東陵瓜從召平以爲名也召平謂相國曰禍自此始矣上暴露於外而君守於中非被矢石之事而益君封置衛者以今者權陰侯新反於中疑君心矣夫置衛衛君非以寵君也願君讓封勿受悉以家私財佐軍則上心說相國從其計高帝乃大喜漢十二年秋黥布反上自將擊之數使使問相國何爲相國爲上在軍乃拊循勉力百姓悉以所有佐軍如陳豨時客有說相國曰君滅族不久矣夫君位爲相國功第一可復加哉然君初入關中得百姓心十餘年矣皆附君常復孳孳得民和上所爲數問君者畏君傾動關中今君胡不多買田地賤貨貸以自汙西語貴音世又食夜反賒也貸天待反上心乃安於是相國從其計上乃大說上罷布軍歸民道遮行上

書言相國賤彊買民田宅數千萬上至相國謁上笑曰夫相國乃利民

國語謂相國取人田宅以爲己利故云乃利人也所以令相國自謝

之

民所上書皆以與相國曰君自謝民相國因爲民請曰長安地狹上林中多空地棄願令民得入田毋

收臺爲禽獸食

國語苗子還種田人留臺入官

上大怒曰相國多受買人財物乃爲請吾苑乃下相國廷尉械繫之數日

王衛尉侍

國語如淳曰百官公卿表衛尉王氏無名字

前問曰相國何大罪陛下繫之暴也上曰吾聞李斯相秦皇帝有善歸

主有惡自與今相國多受買金而爲民請吾苑以自媚於民故繫治之王衛尉曰夫職事苟有便於民而請之真宰相事陛下奈何乃疑相國受買人錢乎且陛下距楚數歲陳豨黥布反陛下自將而往當是

時相國守關中搖足則關以西非陛下有也相國不以此時爲利今乃利買人之金乎且秦以不聞其過

亡天下李斯之分過又何足法哉

國圖李斯歸惡而自予是分過也

陛下何疑宰相之淺也

國圖韋昭曰用意淺

高帝不憚是日使

使持節赦出相國相國年老素恭謹入徒跣謝高帝曰相國休矣相國爲民請死吾不許我不過爲桀紂

主而相國爲賢相吾故繫相國欲令百姓聞吾過也何素不與曹參相能及何病孝惠自臨視相國病因

問曰君卽百歲後誰可代君者對曰知臣莫如主孝惠曰曹參何如何頓首曰帝得之矣臣死不恨矣何

置田宅必居窮處爲家不治垣屋曰後世賢師吾儉不賢毋爲勢家所奪孝惠二年相國何卒

國圖案東觀漢記

云蕭何墓在長陵東司馬門道北百步

國圖括

諡爲文終侯

國圖徐廣曰功臣表蕭何以客初起從也

後嗣以罪失侯者四世

絕天子輒復求何後封續鄼侯功臣莫得比焉

太史公曰蕭相國何於秦時爲刀筆吏錄錄未有奇節

國圖錄音祿

及漢興依日月之末光何謹守管籥臣

之疾奉法順流與之更始推陰黥布等皆以誅滅而何之勳爛焉位冠羣臣聲施後世與閔天散宜生等

爭烈矣

索隱述贊曰蕭何爲吏文而無害及佐興王舉宗從沛關中既守轉輸是賴漢軍屢疲秦兵必會約法可久收圖可大指獸發蹤其功實最政稱畫一居乃非秦繼絕寵動式旌碑帶

史記卷五十三

史記卷五十三考證

蕭相國世家更皆送奉錢三何獨以五○

臣照

按李奇曰或三百或五百案隱則謂時有當百錢疑皆非

也文明曰奉錢則是就其本奉十之三爲贈而何獨以奉十之五耳

何獨先人收秦丞相御史律令圖書藏之○人一本作入

封爲鄼侯集解文穎曰音贊瓚曰今南陽鄼縣也孫檢曰有二縣音字多亂其屬沛郡者音嵯屬南陽者音讚按茂陵書蕭何國在南陽宜呼讚今多呼嵯嵯舊字作鄼今皆作鄼所由亂也索隱瓚云今南陽鄼縣顧氏云南陽郡名也太康地理志云魏武帝建安中分南陽立南鄉郡晉武帝改曰順陽郡是也○資暇錄曰漢相蕭何封爲鄼侯舉代呼爲嵯有呼贊者則反掩口而啞深可訝也鄼氏分明云屬沛郡者音嵯屬南陽者音贊又茂陵書云蕭何國在南陽合二家之說音贊不音嵯明矣司馬貞誠知音贊不能痛爲指揮將來而但云字當音贊今多呼爲嵯遂使後學見今呼爲嵯字咸曰且宜從衆是誤也

史記卷五十三考證

漢

太

史

令

司馬遷撰

宋

中

郎

外

兵

曹

參

軍

裴駟集解

唐

國

子

博

士

弘

文

館

學

士

司馬貞索隱

唐

諸

王

侍

讀

率

府

長

史

張

守節正義

曹相國世家第二十四

平陽侯曹參者

平陽故城也沛人也

張華曰曹參字敬伯地理志云平陽縣屬河東春秋緯及博物志並云曹參字敬伯按沛今徐州縣也秦時

為沛獄掾而蕭何為主吏居縣為豪吏矣高祖為沛公而初起也參以中涓從

立將擊胡陵

縣名在方與南

方與

地理志二縣皆屬山陽攻秦監公軍

秦監公軍曰監御史監郡者公

名秦一郡置守尉監三人大破之東下薛擊泗水守軍薛郭西復攻胡陵取之徙守方與方

與反為魏擊之

曹參

豐反為魏攻之

時雍齒守

賜爵七大夫擊秦司馬昆

碭狐父

徐廣曰伍被曰吳淠敗於狐父地理志碭屬梁國狐父地名在梁碭之間徐氏引伍被云吳淠敗於狐父是吳與梁相拒而敗處

祁善置

文穎曰善置置名也晉灼曰祁音坻孫檢曰漢謂驛曰置善名也司馬彪郡志穀熟有祁亭劉氏音遇又如字善置置名漢為驛置館

十九里漢祁城縣也言取又攻下邑以西至虞
百一十里漢下邑城今碭山縣是虞城縣在州北五十里

古虞國商擊章邯車騎攻爰戚及亢父
臣表爰戚侯趙成地理志云亢父縣名屬東平

七縣反今在兗州南近亢父縣括地志先登遷為五大夫北救東阿
阿今濟州東阿也

陷陳追至濮陽攻定陶取臨濟北狄故城安帝改曰臨濟
南救雍丘擊李由軍破之殺李由虜秦侯一

人秦將軍章邯破殺項梁也沛公與項羽引而東楚懷王以沛公為碭郡長將碭郡兵於是乃封參為執帛

也或曰楚官名號曰建成君遷為戚公
屬碭郡其後從攻東

郡尉軍破之成武南擊王離軍成陽南
戴於成其後代遷於成之陽故曰成陽

故城濮州雷澤縣是復攻之杠里大破之追北西至開封擊趙賁軍破之
音奔

軍於曲遇破之司馬彪郡國志云中有曲遇聚按中牟鄭州縣也
虜秦司馬及御史各一人遷為執珪

日呂氏春秋得伍員者位執珪古爵名從攻陽武
武縣東北十八里漢陽武縣城也

地理志陽武縣氏二縣屬河南轅轅道名在緱氏南絕河津
括地志云平陰

云轅轅故關在洛州緱氏縣東南四十里十三州志云轅轅道凡十二曲險道也絕河津
括地志云平陰

故津在洛州洛陽還擊趙賁軍戶北破之
解之北也括地志云戶鄉亭在洛州偃師縣在洛州東南也

南攻犂與南陽守鬲戰陽城郭東陷陳陽是南陽之縣
陷南陽守於陽城郭東也

南陽郡從西攻武關嶢關取之田田關在雍州藍田縣東南九十里即秦嶢關也前攻秦軍藍田南雍州

藍田縣在州東南八十里因藍田山爲名又夜擊其北秦軍大破遂至咸陽滅秦項羽至以沛公爲漢王漢王封參爲建成侯

從至漢中本漢中郡遷爲將軍從還定三秦初攻下辯故道縣本漢下辯道又云鳳州兩當縣本漢故道

縣在州西雍縣地理志云縣名屬右扶風音胎一作郃音胎括地志云成州同谷五十里雍縣云故雍縣南七里故獫狁城一名武功縣西南二十二里古郃國也擊章平軍於好時南破

之雍州括地志云好時城在園好時取壤鄉文類擊三秦軍壤東及高櫟破之云壤鄉高櫟皆地名

在右扶風今其地關皆村邑名壤鄉今在雍州復圍章平章平出好時走因擊趙賁內史保軍破之

武功縣東南二十餘里高櫟坊是高櫟近壤鄉也東取咸陽更命曰新城漢書高帝元年咸陽名新城武帝改名曰渭城參將兵守景陵音義曰縣名也二十日三秦使章平等

攻參參出擊大破之賜食邑於藍秦日今華陰參以將軍引兵圍章邯於廢丘漢書周曰犬丘秦更名廢丘

雍州始平縣東南十里以中尉從漢王出臨晉關即蒲津關也在臨晉縣至河內下修武今懷州獲嘉縣古修武也渡園

津括地志云黎陽津一名白馬津在滑州白馬縣北三十里帝王世紀云白馬縣南有韋城故豕韋國

也續漢書郡國志云白馬縣有韋城東擊龍且項他定陶破之東取碭蕭彭城二縣擊項籍軍漢軍大敗走參以中尉圍

取雍王王武反於黃黃縣有黃澤程處反於燕案漢書音義曰皆漢將往擊盡破之桂天侯反於衍

氏縣地理志云桂天侯不知其誰封衍氏魏又進破取衍氏擊羽嬰於昆陽追至葉還攻武彊在陽武

乾隆四年校刊 史記卷五十四 曹相國世家第二十四

應云武彊故城在鄆州管城縣東北三十一里因至蔡陽參自漢中為將軍中尉從用反擊諸侯及項羽敗還至蔡陽凡二歲

高祖三年拜為假左丞相入屯兵關中月餘魏王豹反以假左丞相別與韓信東攻魏將軍孫遨軍東張

大破之音遠魏徐廣曰張者地名功臣表有張侯毛澤之駟案蘇林曰屬河東因攻安邑得魏將王

襄擊魏王於曲陽是下曲陽在定州鼓城縣西五里追至武垣魏徐廣曰河東有垣縣魏括地志云

郡也生得魏王豹取平陽魏晉得魏王母妻子盡定魏地凡五十二城賜食邑平陽因從韓信擊趙

相國夏說軍於鄆東大破之斬夏說魏徐廣曰鄆縣在太原晉烏古反韓信與故常山王張耳引兵下井陘擊成安君而

令參道園趙別將戚將軍於鄆城中戚將軍出走追斬之乃引兵詣敖倉漢王之所韓信已破趙為相國

東擊齊參以右丞相屬韓信攻破齊歷下軍遂取臨菑還定濟北郡攻著潑陰平原屬臨地理志著

屬泰山潑陰平原屬三縣屬平原潑音吐荅反括地志云平原故城在德州已而從韓信擊龍且軍

平原縣東南十里故甯城在德州安德縣西北十五里盧縣今濟州理縣是也

於上假密魏文穎曰或以為高密漢書亦作假密按大破之斬龍且虜其將軍周蘭定齊凡得七

十餘縣得故齊王田廣相田光其守相許章及故齊膠東將軍田既韓信為齊王引兵詣陳與漢王共破

項羽而參留平齊未服者項籍已死天下定漢王為皇帝韓信徙為楚王齊為郡參歸漢相印高帝以長

子肥為齊王而以參為齊相國以高祖六年賜爵列侯與諸侯剖符世世勿絕食邑平陽萬六百三十戶

號曰平陽侯除前所食邑以齊相國擊陳豨將張春軍破之豨布反參以齊相國從悼惠王將兵車騎十

二萬人與高祖會擊豨布軍大破之南至斬遷定竹邑相蕭留

國地理志斬竹邑相蕭四縣屬沛韋昭云留今屬彭城則漢初亦屬沛也

地志云徐州符離縣城漢竹邑城也李奇云今竹邑也故相城在符離縣西北九十里輿地志云宋共公自睢陽徙相子城又還睢陽蕭徐州古蕭叔國城也故留城在徐州沛縣東南五十里張良所封

功凡下二國縣一百二十二得王二人相三人將軍六人大莫敖

義曰楚之卿號

郡守司馬候御史各

一人孝惠帝元年除諸侯相國法更以參爲齊丞相參之相齊齊七十城天下初定悼惠王富於春秋參

盡召長老諸生問所以安集百姓如齊故俗諸儒以百數言人人殊參未知所定聞膠西有蓋公善治黃

老言使人厚幣請之既見蓋公蓋公爲言治道貴清靜而民自定推此類具言之參於是避正堂舍蓋公

爲其治要用黃老術故相齊九年齊國安集大稱賢相惠帝二年蕭何卒參聞之告舍人趣治行吾將入

相居無何使者果召參參去屬其後相曰以齊獄市爲寄慎勿擾也後相曰治無大於此者乎參曰不然

夫獄市者所以并容也今君擾之姦人安所容也吾是以先之

漢書音義曰夫獄市兼受善惡若窮極姦人無所容竄姦人無所容竄久

且爲亂秦人極刑而天下畔孝武峻法而獄繁此其效也老子曰我

無爲而民自化我好靜而民自正參欲以道化其本不欲擾其末

參始微時與蕭何善及爲將相有卻至何且死所推賢唯參參代何爲漢相國舉事無所變更一遵蕭何約束擇郡國吏木訥於文辭重厚長

者卽召除爲丞相史遷之言文刻深欲務聲名者輒斥去之日夜飲醇酒卿大夫已下吏及賓客見參不

事事事丞相之事如清日不來者皆欲有言至者參輒飲以醇酒間之欲有所言復飲之醉而後去終莫得開說

以為常謂有所啓白相舍後園近吏舍吏舍日飲歌呼從吏惡之無如之何乃請參游園中聞吏醉歌

呼從吏幸相國召按之乃反取酒張坐飲亦歌呼與相應和參見人之有細過專掩匿覆蓋之府中無事

參子留張律反為中大夫惠帝怪相國不治事以為豈少朕與少我哉蓋帝以丞相豈不是嫌少於我哉

小顏以為我乃謂留曰若歸試私從容問而父曰高帝新棄羣臣帝富於春秋君為相日飲無所請事何

以憂天下乎然無言吾告者也汝令諫汝父當自云是已意也留既洗沐歸問侍自從其所諫參參怒而

管留二百曰趣入侍天下事非若所當言也至朝時惠帝讓參曰與留胡治乎治國如清日猶言用留為

為治也乃者我使諫君也參免冠謝曰陛下自察聖武孰與高帝上曰朕乃安敢望先帝乎曰陛下觀臣能

孰與蕭何賢上曰君似不及也參曰陛下言之是也且高帝與蕭何定天下法令既明今陛下垂拱參等

守職遵而勿失不亦可乎惠帝曰善君休矣參為漢相國出入三年卒諡懿侯子留代侯百姓歌之曰蕭

何為法顯若畫一言法明直若畫一也講亦作觀小顏云觀和也畫一言其法整齊也曹參代之守而勿

失載其清淨民以寧一平陽侯留高后時為御史大夫孝文帝立免為侯立二十九年卒諡為靜侯子奇

代侯立七年卒諡為簡侯子時代侯時尚平陽公主生子襄時病癘歸國立二十三年卒諡東侯子襄代

侯襲尙衛長公主生子宗立十六年卒謚爲共侯子宗代侯征和二年中宗坐太子死國除

太史公曰曹相國參攻城野戰之功所以能多若此者以與淮陰侯俱及信已滅而列侯成功唯獨參擅其名參爲漢相國清靜極言合道然百姓離秦之酷後參與休息無爲故天下俱稱其美矣

索隱述贊曰曹參初起爲沛豪吏始從中涓先圖善置執圭執帛攻城略地衍氏旣誅昆陽失位北禽夏說東討田旣剖符定封功無與二市獄勿擾清淨不事尙主平陽代享其利